

Педагогикалық әдеп жөніндегі кеңес отырысы.

Хаттама №1

19.09.2025 ж.

Қатысушылар: Педагогикалық әдеп жөніндегі кеңестің төрағасы мен мүшелері,
педагогтер

Саны: 10

Өтілген уақыты: 4 қыркүйек 2023ж

Күн тәртібінде

1. Педагогикалық этика және Кеңесті құру туралы ережесін түсіндіру.

Кеңес төрайымы : Г.Г.Кайыргалиева

2. Мұғалімнің өзінің кәсіби міндеттерін орындау кезіндегі сыртқы келбеті.

Кеңес мүшесі: А.Т.Мамаева

3.Педагогикалық этика нормалары мен ережелерін сақтау міндеті.

Кеңес мүшесі: А.К.Альпамышева

Тыңдалды:

Бірінші мәселе бойынша әдеп кеңес төрайымы Г.Г.Кайыргалиева:

Қайырлы күн бүгінгі педагогикалық әдеп кеңесінің отырысына қатысушылар. Педагогикалық этика және Кеңесті құру туралы Қазақстан Республикасы Білім және ғылым министрінің 2020 жылғы 11 мамырдағы №190 бұйрығы. Қазақстан Республикасының 2020 жылғы 12 мамырда №20619 болып тіркелді.

Педагогикалық әдеп жөніндегі кеңес білім беру ұйымдарында педагогтердің педагогикалық әдепті сақтауы мәселелерін қарайтын алқалы орган болып табылады.

Кеңес өз қызметін «Білім туралы», «Педагог мәртебесі туралы» Қазақстан Республикасының заңдарына осы Қағидаларға, өзгеде нормативтік құқықтық актілерге сәйкес жүзеге асырады және объективтілік пен әділдік, әдептілік, қоғамдық пікір мен жариялылықты есепке алу қағидаттарын басшылыққа алады.

Сонымен қатар кеңестің міндетіне педагогтардың тәртіптік істерін қарау кіреді. Тәртіптік істерді қарау қорытындысы бойынша Кеңес келесі шешімдердің бірін шығара алады: білім беру ұйымының басшысына педагогке тиісті тәртіптік жаза қолдануды немесе қолданбауды ұсыну, тәртіптік істі тоқтату.

Екінші мәселе бойынша кеңес мүшесі А.Т.Мамаева:

Педагог өзінің кәсіби міндеттерін орындау кезіндегі сыртқы келбетіне баса назар аудару керек.Әр балаға жол сілтеп,оның бойына жақсы қасиеттерді сіңіретін бірден бір жан болса, ол-ұстаз. «шәкірттің жақсы болмағы-ұстазынан» деп дана халқымыз айтқандай педдгог балаларды білім нәрімен сусындатып қана қоймай,қолынан келгенінің бәрін үйретіп,бағыт-бағдар беріп,сыртқы келбетімен,киім үлгісімен,өзін-өзі ұстау әдебімен үлгі бола білуі тиіс.Себебі балалар педагогтің біліміне ғана емес,жоғарыда аталған қасиеттеріне де ерекше көңіл бөліп,тәлім алады.түстерді дұрыс үйлестіре білген жөн.Педагог киіміндегі құптауға лайық түстер ақ және қара түс болып есептеледі.Педагогтің шаш үлгісі өзіне жарасымды болғаны дұрыс.

Педагог мамандығына сай талғаммен киініп,ұқыпты келбетімен үлгі бола отырып,ішкі жан дүниесінің көркемдігімен,шәкірт жанын ұғына алар кеңпейіл

мінезімен көрінуі керек. Адамдар үйлесімділікке баса назар аударатынын есте сақтаңыз.

Осы нәрселерді шебер үйлестіре білген білікті педагог балаларды білім нәрімен сусындатып қана қоймай, өскелең ұрпақтың өзіне қарап бой түзеуіне, тұлға болып қалыптасуына септігін тигізеді.

Тәрбиеші – балабақша тұтқасы. Сондықтан педагогтер қандай кездеде, қандай ортада да педагогикалық әдепті ұстағаны жөн. Өзінің жеке суреттерін әлеуметтік желілерде жариялаған кезде педагог деген атына лайық суреттер жариялау тиіс деп ойлаймын. Көпшілік алдына шыққанда да педагог екенін ұмытпауы тиіс. Қазір әлеуметтік желіде көріп жүрсіздер, бейәдеп суреттермен жүрген жас мамандар кездесіп қалып жатады. Сондай әрекеттерден аулақ болғаны жөн. Әр мәселені көтерген кезде де, өз пікірінді білдірген кезде де, әдептен озбай сөйлеу керек. Педагог өзінің кәсіби назарындағы объектілер болып табылатын баланың, ата-ананың, адамдардың абыройы мен қадір-қасиетін құрметтейді, олармен қарым-қатынас жасауда өнегелі. Ол баланың дамуын шынымен қалап, оған әрқашан көмектесуге дайын екендігін білдіріп, білім алушының жетістігін (жетіспеушілігін) бағалауда әдептілік таныту қажет.

Үшінші мәселе бойынша кеңес мүшесі А.К. Альпамышева:

Педагог ата-аналармен, балалармен және әріптестермен әңгімелесу кезінде педагогикалық этика нормалары мен ережелерін сақтау міндетті.

Чаттардағы қарым - қатынастың қарапайым нормаларына тоқталып, мессенджерлер жіберу туралы бірқатар мысалдар келтірді. Жеке сұрақтарыңызбен жалпы алқалық чатқа араластырмауды ескертті. Сөйлеу кезінде этикалық нормаларды ұстауға кеңес берді.

Педагог этикасы - педагог пен бала, ата-ана мен педагог арасындағы қарым-қатынас. Педагогикалық этика-ұжым ішінде, педагогтер арасында басталып, өзінің заңды жалғасын топтарда табуы тиіс. Адамгершілікке тәрбиелеу ісінің тек өзіне ғана тән ерекшеліктері мен заңдылықтары болғандықтан, оның ғылыми негізделген жүйесі жасалуға тиіс. Бұл маңызды да құрметті міндет педагогика және этика ғылыми өкілдерінің ынтымағы нәтижесінде ғана жүзеге асуы мүмкін. Кәсіптік этиканың ережелері мен принциптері бірнеше кәсіптерді қамтуы мүмкін. Мысалы педагог этикасы мектепке дейінгі ұйымдарды, мектептерді, орта арнаулы және жоғары оқу орындарында істейтін адамдардың қарым-қатынастары ұқсастығына байланысты оларды реттейтін жалпы нормаларды қарастырады.

Кеңес шешімі:

1. Педагогикалық әдеп кеңесінің ережесі бұзбау, назарда ұсталынсын.
2. Педагогтің өзінің кәсіби міндеттерін орындау кезіндегі сыртқы келбеті назарға алынсын.
3. Педагогтермен педагогикалық этика нормалары мен ережелерін сақтау туралы жұмыстар жүргізілсін.

Кеңес төрайымы:

Кеңес хатшысы:



Педагогикалық этика және Кеңесті құру туралы ереже

Жалпы ережелер

1. Осы ереже білім беру ұйымындағы педагогикалық этика нормаларын сақтау және педагогикалық әдеп жөніндегі Кеңестің қызметін ұйымдастыру мақсатында әзірленді.
2. Ереже Қазақстан Республикасының «Білім туралы» Заңына, педагог мәртебесіне қатысты нормативтік-құқықтық актілерге және педагогикалық әдеп қағидаларына сәйкес жүзеге асырылады.
3. Педагогикалық әдеп жөніндегі Кеңес – ұйымдағы педагогтердің кәсіби әдеп нормаларын сақтауын қамтамасыз ететін консультативтік-кеңесші орган болып табылады.

Кеңесті құру мақсаты

Кеңесті құрудың негізгі мақсаттары:

- педагогикалық әдеп қағидаларын сақтау;
- педагогтердің кәсіби мәдениетін арттыру;
- ұжымда қолайлы моральдық-психологиялық ахуал қалыптастыру;
- педагог пен ата-ана, педагог пен тәрбиеленуші арасындағы өзара сыйластықты нығайту;
- педагогикалық этика бұзушылықтарының алдын алу.

Кеңестің міндеттері

Кеңестің міндеттері:

- педагогикалық әдеп қағидаларын түсіндіру жұмыстарын жүргізу;
- педагогтердің этикалық мінез-құлқына қатысты мәселелерді қарастыру;
- жанжалдық жағдайларды шешуге ықпал ету;
- педагогтердің ар-намысы мен қадір-қасиетін қорғауға жәрдемдесу;
- әдеп нормаларын бұзудың алдын алу бойынша ұсыныстар енгізу.

Кеңестің құрамы

1. Кеңес құрамына:
 - ұйым басшысы немесе орынбасары;
 - педагогтер;
 - психолог;
 - кәсіподақ ұйымының өкілі;
 - қажет болған жағдайда ата-аналар комитетінің өкілдері енгізіледі.
2. Кеңес құрамы ұйым басшысының бұйрығымен бекітіледі.
3. Кеңес төрағасы мен хатшысы Кеңес мүшелерінің арасынан сайланады.

Кеңестің жұмыс тәртібі

1. Кеңес отырыстары жылдық жоспарға сәйкес өткізіледі.
2. Қажет болған жағдайда кезектен тыс отырыс ұйымдастырылады.
3. Кеңес шешімдері ашық дауыс беру арқылы қабылданады және хаттамамен рәсімделеді.
4. Кеңес шешімдері ұсынымдық сипатта болады.

Педагогикалық этика қағидалары

Педагог:

- тәрбиеленушілерге, әріптестерге және ата-аналарға құрметпен қарауға;
- қызметтік әдеп пен сөйлеу мәдениетін сақтауға;
- педагог мәртебесіне нұқсан келтіретін әрекеттер жасамауға;
- әлеуметтік желілерде этикалық нормаларды ұстануға міндетті.

Қорытынды

Осы ереже білім беру ұйымының барлық педагог қызметкерлері үшін міндетті болып табылады және ұйым ерекшелігіне қарай толықтырылуы мүмкін.

Г.Г.Кайыргалиева

Педагогтың өзінің кәсіби міндеттерін орындау кезіндегі сыртқы келбеті кеңес

1. Педагогтің сыртқы келбеті білім беру ұйымының іскерлік беделіне сәйкес болуы тиіс.
2. Педагог:
 - ұқыпты;
 - жинақы;
 - таза;
 - эстетикалық талғамға сай киінуі қажет.
3. Киім үлгісі:
 - ресми-іскерлік стильге сәйкес болуы;
 - жұмыс барысында ыңғайлы әрі қауіпсіз болуы;
 - білім алушылардың жас ерекшеліктеріне сай тәрбиелік мәнге ие болуы тиіс.
4. Педагогтің сыртқы келбетінде:
 - шамадан тыс ашық;
 - тым қысқа;
 - спорттық немесе бейресми сипаттағы;
 - әдеп нормаларына қайшы келетін киімдерді қолдануға жол берілмейді.
5. Педагог:
 - жеке бас гигиенасын сақтауға;
 - сөйлеу мәдениеті мен өзін ұстау әдебін сақтауға;
 - ұжымда жағымды имидж қалыптастыруға міндетті.
6. Сыртқы келбет педагогтің кәсіби мәдениетінің бір бөлігі болып табылады және тәрбиеленушілерге үлгі болуы қажет.

А.Т.Мамаева

Анықтама

Педагогикалық этиканы сақтау мәселесі бойынша мектепке қабылданған жас мамандармен жыл бойы түсіндіру және әңгімелесу жұмыстары жүргізіледі. Іс-шара барысында педагогикалық әдеп нормалары, педагогтің кәсіби мінез-кұлқы, ұжымдағы қарым-қатынас мәдениеті және педагогтің құқықтары мен міндеттері түсіндіріледі.

Жауаптылар: педагогикалық әдеп жөніндегі кеңестің төрағасы және кеңес мүшелері.

Нәтижесінде жас мамандардың педагогикалық этика қағидаларын сақтауы қадағаланып, педагогтің нормативтік-құқықтық құжаттары «Педагогикалық әдеп ережелерімен» толықтырылады.

**ЖШС «Иштаев Е.А.»
жеке бөбекжайы» меңгерушісі:**



А.Х.Кошбаева